

اقتصادیات

مجموعه سی

اشتراک بدلی

عنائی ملک تری ایچون :
بیالغی بر بوچوق لیرا

اجنی ملک تری ایچون :
بیالغی ۳۳ مازق - ۴۰ قرانی

دانه سی ۳ غروش

یل ۱ صانی ۳۸

اعتراف بدلی

بر دفعه لوق هر سطر ایچون :
یکرمی غروش

سنه لک اعلان ایچون
آیرجه آکلاشلیر

۲۹ کانون اول ۳۳۲

علمی و عملی هر نوع اقتصادی مسئله لر دن بحث ایدر و هر پرشده کونی چیقار .

اداره خانه : استانبول ، سلطان حمامی - معقولیان خانی

اقتصادیات مجلسی

تکین آلب

مجموعه مرکز اقتصاد خبرلری قسمنده کورلیدیکی وجهله
« زراعت و تجارت نظارتینده » بر اقتصادیات مجلسی تشکل
ایتمش و ایلاک اجتماع عقد اولمشدر .

وظیفه مرکز تجارت و زراعت نظارتینده قسمنده کورلیدیکی
بک اوزاق اولدیغی و بالعکس حیات اقتصادی مرکز ناظمی
اولان مذکور نظارتینده اجرا آتیه و قوعبوله حق بحق تنقیداته
معکس اولوق ادعاسنده بولندیغمز ایچون بو یکی مؤسسه نیک
وجوده کلسیله حسن ایتدیگمز ممنونقی اوزون اوزادتییه
ایضا حدن صرف نظر ایدم جکمز .

بالک شوراسنی عرض ایتک ایسترنز بزی الک زیاده
نمون ایدن جهت حد ذاتنده مؤسسه دن زیاده مؤسسه نیک وجده
کتیرلسنه سوق ایدن حالت روحیه و مؤسسه نیک ایلریده مظهر
اوله جتی انکشافدن عبارتدر .

مؤسسه نیک بو کونکی حالندن فوق العاده نتیجه لر مأمول
ایتدیگمیزی بیان ایدرسه ک مبالغه ایتیش اولورز . ایلریده
ایضا حد ایدم جکمز وجهله بو کونکی حالده مؤسسه صرف
استثاری بر ماهیتی حائزدر تجارت و زراعت نظارتینک
سیاست اجرا ایتسنه دوغریدن دوغرییه حائز تاثیر اولمیز .
استثاری وظیفه نیک تاثیر واهیتی استصغار ایتمه مکه برابر الک زیاده
شایان ممنونیت اولان جهتک بو کبی بر ظاهر میدان ویرن امل
و آرزودن عبارت اولدیغنی عرض ایتکدن کندیگمیزی آله میز .

فی الحقیقه بر مدتدنبری مع المینار کوریورز که حیات اقتصادی
مزرده ناقابل تسکین بر حرص اعتلا حکمفرما اولور .
کوک خصوصی و کورک رسمی جرکات و اجرا آتمز هب بو
غایه یه و غری توجه ایدیور . دولت و ملت یکدل و یکزبان
اوله رقی عصر لر دنبری انحطاط دوره سنده بولان و بالخاصه
صوک زمانلرده اقراض قلعی یه دوغری یو وارلامنه باسلامش

اولان بو ملک و دولت ایچون تمالی اقتصادیدن بشقه چاره
خلاص و سلامت موجود اولدیغنی قبول و تسلیم ایدیور .
بونجائیش انتباهک ، بو اعتلا پرور حالت روحیه نیک
تاثیر یله در که ایکی سنه دنبری محاربه نیک تاثیرات مخربه سنه رغماً
ملکتمز الک بیوک زندگی اثرلری اقتصادی حیاتده مشهود اولمشدر .
ایشته شعبات اداره نیک هیچ برنده امثالی یولنیان و نتیجه اعتبار یله
قطعی راجتیاچه تقابل ایمان بومؤسسه نیک تأسیسنه سوق ایدن
شی آتی ایچون امید نجات بخش ایدن بوروخی هیجا و غلباندن
عبارتدر . بونقطه نظر دندر که صلاحیت و وظیفه دن
وفادته عملیه جهتلرندن دولایی مؤسسه یه بویوک بر اهمیت
عطف ایتک ایستیمیان بعض اقتصاد جیلرک تنقیداتی نظر
تدقیقندن کیرمکه لزوم کورمه یز . حیات عمومی مزیده امور
اقتصادیه ایچون عمومی علاقه یی تربید ایدم جک اجراآت
و باخصوص علاقه داران میاننده تعاطی افکاره مدار اوله جق هر نوع
تشکیلات بزم نظر یزده فوق العاده شایان ممنونیت تظاهرا تندر .
منقدین بویله بزم مؤسسه نیک عدم لزومی ، وظیفه سز لکنی
ایلری سوزده جکرینه ایلریده هانکی استقامته دوغری انکشاف
ایتمه سی لازم کلدیکنی تدقیق ایدر لسه منفی دکل مثبت بر حرکتده
بولنش اولورلر .

مؤسسه نیک نه شکل و ماهیتده اوله سی لازم کله جکی حقنده کی
فکریمیزی اولجه مجموعه مزیده مؤسسه نیک هنوز تصور
حالنده بولندیغنی صروده ایضا ایتمشدک . بزاووقت مجلسک
قومیسینون حالنده قالمه مسنی تمی ایتمشدک . بو کونکی تشکیلات
قومیسینون حالنده اوله مقله برابر بزم تصور ایتدیگمز
شکلدن هنوز بک اوزا قدر . مجلس حد ذاتنده هیچ بر
شخصیتی حائز اولدیغنی و نظارت طرفندن موقع مذاکره یه
وضع اوله جق مسئله لر حقنده بیان رأی ایتمه مکه مأمور اولدیغنی
حالده بارتقه حقیقت مصادمه افکاردن چیقار فحواستجه سیاست
اقتصادیه دن مشول اولان ناظر بوندن بک زیاده مستفید اوله بیلیر .
مجلس بو حالده قالسبیله بر جوق مسائل اقتصادی نیک تنویرینه
مدار اولوق اعتبار یله انتباه اقتصادیمز ایچون بک قیمتی خدمت لر

ایفا ایدہ جکدر . فقط بز امید ایدرزکہ بوالدہ قائمہ حق ویک جابق انکشاف ایدرک ایجاب حال تأییری و تجربہ نک ارشاد ودلائلہ بوندن قات قات نافع صرحہ لہ کیرہ جکدر . فکریمزجہ تعالیٰ اقتصادیمزایچون بزماک زیادہ محتاج بوندیمز برشی وارسیہ مداکرہ واستشارہ دن زیادہ تدقیق وتفحصدن عبارتدر .

مسائل اقتصادیہ دیگر مسائل ادادہ یہ قطعاً بکترہ من . بونلر صرف اعمال فکرلہ حل ایدیلہ مہ یوب الحق حادثہ لہ رقلری جمع وتفیق ، حادثہ لری مہ تودارہ سبندہ تدقیق وتفحص ایتک ، واجتماعیونک تعیریمزجہ سائنیت اقتصادیہ بی آراشدن مق صورتیلہ حل ایدیلہ بیلیر . ۲۴ کشیدن عبارت اولان بز مجلس بالطبع تدقیق وتفحص ایلہ اوغراشہ من اولسہ اولسہ تعاطی افکار سایہ سبندہ بعض مسائلک تنویرینہ خدمت ایدہ بیلیر .

بناء علیہ بومجلس ایلہ مملکتہ الک زیادہ محتاج اولدینی برخدمتی کوردیرمک ایستہ نیلیرسہ طرز مساعی نظامنامہ دہ کوستریان سکلدن بسبتون بشقہ درلو اولملیدر :

مجلسک بسبتون مستقل بر شخصیت صاحبی اولوب اجرائی بر مہیتی حائر اولمہ سنی طلبا مہیز چونکہ قانون اساسی امور اجراییہ دن مسئول اولہرق بالکتر ناظری طایر و اونک خارجندہ هیچ بر قوت طایر بناء ایلہ امور اجراییہ دن مسئول اولان قوتدن بشقہ بر قوتہ اجرائی بر حق وصلاحت و برلمہ سنی اصلا دوغری اولہ من . بونقطہ دن اقتصادیات مجلسی نظامنامہ سہ تنقید یورودیلہ من . فقط یوقاریدہ ایضاح ایتدیکمز وجہلہ اقتصادی تشکیلاتمزدہ مذاکرہ واستشارہ یرینہ تدقیق وتفحص جہتی ترجیح ایدیلیرسہ مجلس دہا عملی دعا نافع بر صورتدہ چالشدیرلش وعینی زماندہ کندینسی طرز مساعیستدہ استقل ، وشخصیت مخصوصہ صاحبی اولمش اولور . مجلس نظارتک لزوم کوسترہ چکی مسائلدہ مذاکرہ واستشارہ وظیفہ سہ دوام ایتیکلہ برابر مملکتدہ نہ کی مسائلک تدقیق وتدقیقاتک نہ صورتلہ اجرا وتعقیب و مجلس اعضاسندن اولسون اولسون نہ کی ذواتہ تودیع وحوالہ سی لازم کلہ چکنی تعیین وتدقیقات نتیجہ سبندہ یازیلان اثرلری ، ویا راپورلری ایجہ دن ایجہ یہ کوزدن کیرہ رک تدابیر اجراییہ وتطبیقہ حقندہ مطالعہ لریان ایدرسہ مجلس باشلی باشہ بر فعالیت ابراز وعینی زماندہ مملکتیمزک الک زیادہ محتاج اولدینی وظائیک برنی ایفا ایتمش اولور . بوکون تجارت وزراعت نظارتی اولیلہ مہم مسئلہ لر قارشیستدہ بولنورکہ نظارتک باشندہ داعی آدملر بولسہ بیلہ اوزون بویلی علمی تدقیقاتہ ممالک سائرہ ایلہ مقایسہ لہ عرض افتقار ایتدین تسویہ ایدیلہ ضرر . مثلاً مزدہ بر مہاجرین مسئلہ سی وارددر . مہاجرین ایچون سہ دہ یوزبیکار جہ لیزالر

صرف اولنور عجباً بوندن مملکت ایچون اعظمی استفادہ تأمین اولنہ بیلورمی ؟ اولنہ یورسہ نہ کی نواقصہ مبنی اولور . بومسلہ بی حل ایتک ایچون ارادہ سیک ، اقلیمک ، خواص مخصوصہ سہ ، ہجرت ایدن کسہ لرلہ اہالی قدیمہ نک مزاجلری ، بنیہ لری ، سہیلری و بونک کی بر وق مسائلی نظراعتبارہ الملق لازمکیر ، بواویلہ بر مسئلہ درکہ اقتصادہ شدت تعلق اولقلہ برابر زراعت وتجارت ناظرینک صلاحیتی خارجندہ بولنور . شمدوقر ، رسومات کی دہا بر حق مسائل وارددرکہ زراعت وتجارت نظارتک اثرہ مسائلنہ داخل دکدر .

مجلس تدقیقات وادیسندہ باشلی باشہ بر موجودیتہ مالک یعنی روزنامہ سنی طرز مساعیسنی کندینسی تعیین ایتک صلاحیتی حائر اولورسہ دہا موافق اولور . بونقدردہ مجلس ساحہ تدقیقاتک خطوط عمومیہ سنی کندی چیزہ رک وایجابندہ اعضا لہ ویا خودہ دیگر ارباب اختصاصہ تدقیقات یاپدیرہ رق بوجہ سبندہ مکمل اثرلری یازانلہ برقاج یوز لیرالق بر مکافات تعیین ایدر .

ہر حالہ بز او اعتقاددہ بزکہ اقتصادیات مجلسک تشکیلی ترقی یولتدہ نک مہم برخطوہ در . بومؤسسہ کتدکچہ انکشاف ایدرک تعالیٰ اقتصادیمزک اک مہم عاملرندن بری اولہ جقدر .



اصراً عالی نظارت پناہیلری مزججہ زیتون یاغی فابریقلری حقندہ مدانیہ دہ اجرا ایلدیکمز تدقیقات و بوابدہ کی مطالعات عاجزانہ من بروجہ زیر عرض اولنور :

زیتون محصولی

مدانیہ نک زیتون محصولی وسطی اولہرق سنوی ۴ : ۵ ملیون قہ در . آغا جلدہ خستہلق اولسہ محصولک دہا جوق اولہ جنی ازجملہ شدتلی برقیش سہ سبندہ محصولک زیادہ لشدیکی وقیشک و قازک شدتنہ نظراً اون ملیونہ قدر چیقیدینی بیان اولنور .

چکن سہ نک محصولی (۴،۵) ملیون قہ اولوب بو سہ اوچ ملیون قدر تخمین اولنور .

اعشار اصولی

ہر سہ زیتونلردن آلہ حق یوزدہ (۱۲،۵) اعشار مزایدہ ایلہ بر ملنزمہ حالہ اولنور و ملنزمہ یاغخانہ یہ کلن و قادوزہ کیرن [طوزلانان] زیتوندن مجلس ادارہ نک ہر